

ХАНДЫХ АЙЫНЫҢ 23-чІ КҮНІНДЕ - СИБИРЬДЕГІ АП-АРЫҒЧЫЛААРНЫҢ ЧЫЫЛИИ

Москваның паза Тиксі Орыс чирінің Ап-арығдаң Ап-арығ Патриархы Пименнің (1990 чылда чирдегі чуртазы тоозыл парған), чахсы сөс пиргенінең, 1984 чылда Сынсабланыстығ Тигіриб наа үлүкүннi - Сибирьдегі Ап-арығчыларның Чыылиин хандых айының 23-чi күнінде, Ап-арығчы Иоанны, Тобольсктын паза Сибирьнің митрополидін, хайхасчайачаңны хумартхылачаң күнде, үлүкүннирiн турғыс салған.


Сибирьдегі Ап-арығчыларның Чыылиин Сынсабланыстығ Тигіриб 1984 чылдағы хандых айының 23-чi күнінде Тобольскта, Сибирьнің иргі кін-саарындағы Покровской Соборда, хайда Иоанн Ап-арығчының ап-арығ сөбгi чатча, пастағызын үлүкүннеен.

Сибирьнің ап-арығ кiзiлерiнiн аразынаң - ап-арығчы Иоанны, Тобольсктын митрополидiн, ап-арығчы Иннокентийнi, Москваның митрополидiн, Иннокентийнi, Иркутсктағы епископты, Димитрийнi, Ростовтағы митрополиттi, саблығ ап-арығ пол парған кiзiлернiң чуртастарын пас салған Софронийнi, Иркутсктағы епископ Мелентийнi, Харьковтағы архиепископты, Харьковтағы Худайғасын Германны, хайзы Американың Алясказында мунарлап кiзiнi Худайның чариинан чарыт салған, ап-арығчобағчы Василий Мангазейскийнi, Худайғасын Симеон Верхотурскийнi, Алтайдағы Худайғасын Макарийнi, сынсабланыстығ киртинiс-сер хығырчанны (миссионернi), Томсктағы Худайғасын Феодорны (Феодор Кузьмич), Ачинсктегі Худайғасын Даниилнi, хайзын Енисейскте чыып салғаннар, паза оларнаң даа пасхаларын, улуғлап, үлүкүннирi турғызыл парған.

Оларның аразынаң ап-арығчы Иоанн, Тобольсктын митрополидi артых орында полча. Чон аразында - Иоанн Максимович Нежинде 1651 чылда төреен. Киевтегі Могиланской семинарияны тоос салғанда, полар туста ап-арығчы пол парар Иоанн, анда латин тiлiнiң үгретчiзiне турғызыл парған.

1660 чылда ол Киев-Печердегі обительде монах чуртастығ полбысхан, ол тустан сығара Худайзар хығырчаң чiтiг тiлiг кiзi пол парған.

Ол поэнының прай чуртазында сурыға нандырығны тiлеен: «Хайди кiзее поэнының көннiн Худайның көннiне килiстiрiп аларға?» Ол сурыға нандырығ полып, «Сал хузух («Илиотропион») алай кiзiнiң көннiн Худайның көннiне килiстiрiп алғаны» - аның чуртазының халғанчы тузында сыххан тоғызы полған.



Сомда: Тобольсктағы Кремль

1685 чылда Иоанн аданы Свендегі монастырьның пастағчызына турғыс салғаннар, че ап-арығчы Феодосий, Черниговтын архиепискобы иеромонах Иоанны Черниговтағы Елец монас-

тырьның архимандридiне турғыс салып, кафедрада поэнының орынына тур саларға артыс салған.

Күрген айының 10-чы күнінде, Москваның паза Тиксі Орыс чирінің Патриархы Андриан епис-

коптарның чыылиинда, архимандрит Иоанны Черниговта епископтын орынына турғыс салған. Черниговта Хут Пастығы Иоанн Худай сөзiне үгретчең сынсабланыстығ школаны, төстеп салып, тоғындыр салған, сонан ол Россияда пастағы семинария полча, хайзына төөй семинариялар пасха даа епархияларда, азылып, тоғынып пастааннар. Андох типография азыл парып, поэнының тоғызын пастабысхан.

Пiске ап-арығчы Иоанн поэнының көп тоғыстарын артыс салған, ол тоғыстарда Иоанның чалахай тоғызы чахсы көрiн парған. Ап-арығчының Афон тағнаң (Грециядағы ап-арығ тағ) чахсы палғалызы пар полған. Ол Афон тағда Худайға тоғынчатхан орыстарға чахсы ползығны пирчең.

1711 чылдағы орғах айының 14-чi күнінде, митрополиттiн орынына көдiрiл парғанда, ап-арығчы Иоанн Тобольсктағы паза Тиксi Сибирьдегі кафедразар килген. Мында поэнының епархиязын пөзiк орынға көдiрiп алар үчүн, прай күзiн салған: Худай сөзiне үгретчең школаны наачылап салған. Сибирьдегі көзее-лерге пазырынчатхан көпхудайлағыларны Худайның чариинзар айландыр салар үчүн, көп тоғын салған. Хуттығ кинделернi сығарчаң тоғысты төстеп салған.

Ап-арығчының Сибирьдегі чуртазынанар хуттығ тархынны пасчаң кiзi (летописец) пасхан: «Ап-арығчы Иоанн амыр, иптiг, чахсы сағыстығ кiзi полған, хызылчатханнарға айап, оларға полысчан. Аның Тобольсктағы чуртының iзiктерi хызылчатханнарға паза часхарығ сөзiн киректепчеткеннерге сыбыра азылыл полчан».

Ап-арығчы Иоанның чирдегі чуртазы 1715 чылдағы от айының 10-чы күнінде, тiзекке түзiп, Худайға алданчатхан туста тоозыл парған. Ап-арығчы Иоанны Иоанн Златоусттың Тобольсктағы Успено-Софийской соборының хос пөлиинде чыып салғаннар.

Ап-арығчы Иоанның улуғластығ полчатханы, көп хайхастар чайааны үчүн, Сынсабланыстығ Тигіриб, аны хумартхылап, 1984 чылда үлүкүннирiн турғыс салған.

Ап-арығчы Иоаннаңар хумартхыласты Сибирьдегі сынсабланыстығ киртинiстiглер иптiг хайраллапчалар. Аның ап-арығ сөбгi амғы тустарға читiре Тобольсктағы Худай iчезiнiң Чаабындызының Соборында чатча, аны хумартхылачаң күнде аймах-пасха чирлердең килген сынсабланыстығ киртинiстiглер анда көп чыылыс парчалар.

ЕПАРХИЯНЫҢ ЧУРТАЗЫНДАҒЫ КИРӨКТӨРНІҢ ПАЗА АРКАЛАЙНЫҢ ХУДАЙҒА ТОЛДЫРҒАН ТОҒЫНЫСТАРЫНЫҢ ИЗЕРІРІ

Сілікер айының 16-чы күні, иирде, Хан Худайның Обрлеенін үлүкүннечен күннің таңдади, Ағбанның паза Хакас чирінің Пөзікинапарығ архиепискобы Ионафан, соборның абыстарынан хада, Хараағы Худайға тоғынысты Спасо-Преображенской кафедралығ соборында толдырған.

Сілікер айының 17-чи күні, Хан Худайның Обрлеенін үлүкүннечен күнде, Ағбанның паза Хакас чирінің архиепискобы Ионафан, соборның хутхадарчыларынан хада, үлүкүннің Худайға тоғынысты Спасо-Преображенской кафедралығ соборында толдырған.

Сілікер айының 19-чы күні, Чобағнысыдаан Николай II ханның 150 чазы толчатхан күнде, Ағбанның паза Хакас чирінің архиепискобы Ионафан, соборның абыстарынан хада, Худайға тоғынысты Спасо-Преображенской кафедралығ соборында толдырған.

Олох күн, иирде, Оөнхутпастығы, соборның хутхадарчыларынан хада, Хараағы Худайға тоғынысты Спасо-Преображенской кафедралығ соборында толдырған.

Сілікер айының 20-чи күні, Тилекейдегі I-ғы Чылығның ап-арығ адаларын хумартхылачаң күнде, Оөнхутхадарчызы, соборның абыстарынан хада, Худайға тоғынысты Спасо-Преображенской кафедралығ соборында толдыр салған.

Сілікер айының 20-чи күні, иирде, чахсыхабарчы Иоанн Богослов илчіні хумартхылачаң күннің таңдади, Ағбанның паза Хакас чирінің архиепискобы Ионафан, соборның хутхадарчыларынан хада, Хараағы Худайға тоғынысты Спасо-Преображенской кафедралығ соборында толдырған.

Елейнең сүрткіледерге 63 кізі чағын пастырған.

Сілікер айының 21-чи күні, Чахсыхабарчы Иоанн Богослов илчіні хумартхылачаң күнде, Оөнхутпастығы Худайға тоғынысты Хараастағы Иоанно-Богословской Худай туразында толдырған.

Худайға тоғынған соонда, Худай туразы ибیره, кірөстіг чөріс полған.

Сілікер айының 21-чи күні, иирде, ап-арығчы паза хайхасчайачаң Николайның, Ликия Мирінің архиепискобының ап-арығ сөбгін Мирден Барзар көзіргенін үлүкүннечен күннің таңдади, Ағбанның паза Хакас чирінің архиепискобы Ионафан, Градо-Абаканской Худай туразының абыстарынан хада, Хараағы Худайға тоғынысты Ағбандағы Никольской соборда толдырған.

Елейнең таңмаладарға 169 кізі чағын пастырған.

Сілікер айының 22-чи күні, Ап-арығчы паза хайхасчайачаң Николайның, Ликия Мирінің архиепискобының ап-арығ сөбгін Мирден Барзар көзіргенін үлүкүннечен күнде, Ағбанның паза Хакас чирінің архиепискобы Ионафан, Градо-Абаканской Худай туразының абыстарынан хада, Худайға тоғынысты Ағбандағы Никольской соборда толдыр салған.

Худайға тоғынған соонда, соборның ибیره, кірөстіг чөріс полған.

Сілікер айының 23-чи күні, иирде, апостолғатин ап-арығ Мефодийні паза Кириллні, Словенской үгретчилерні хумартхылачаң күннің таңдади, Оөнхутпастығы Хараағы Худайға тоғынысты Спасо-Преображенской кафедралығ соборында толдырған.

Сілікер айының 24-чи күнінде, оөн үлүкүннің күнде, Худайға тоғынысты Спасо-Преображенской кафедралығ соборында толдыр саларынан ол



устаан.

Пуун, апостолғатин ап-арығ Мефодийні паза Кириллні, Словенской үгретчилерні хумартхылачаң күнде, Знаменской Худай туразы-частомайдан Константино-Еленинской Худай туразына читіре кірөстіг чөріс ирткен.

Сілікер айының 25-чи күні, иирде, Үс Омалығ Худайның ада-ічелернің хуттарын сағыста тутчаң күні таңдади, Ағбанның паза Хакас чирінің архиепискобы Ионафан Парастасты Спасо-Преображенской кафедралығ соборында толдырған, пазағы күнде, Худайға тоғынысты паза Панихиданы ол андох толдыр салған.

Сілікер айының 26-чы күні, иирде, Ап-арығ Хуттың илчлерге Түскенін үлүкүннечен Күннің паза Үс Омалығ Худайның үлүкүнні таңдади, Ағбанның паза Хакас чирінің архиепискобы Ионафан Хараағы Худайға тоғынысты, соборның абыстарынан хада, Спасо-Преображенской кафедралығ соборында толдыр салған.

Елейнең сүрткіледерге 229 кізі чағын пастырған.

Сілікер айының 27-чи күні, Ап-арығ Хуттың илчлерге Түскенін паза Үс Омалығ Худайның күнін үлүкүннечен күнде, Ағбанның паза Хакас чирінің архиепискобы Ионафан, соборның абыстарынан хада, үлүкүннің Худайға тоғынысты Спасо-Преображенской кафедралығ соборында толдыр салған.

Сілікер айының 28-чи күні, Ап-арығ Хуттың Күнінде, Спасо-Преображенской соборда, Худайға тоғынған соонда, Худай Ічезінің «Неупиваемая Чаша» иконазын тудынып алып, Ағбан саарның ибیره кірөстіг чөріс ирткен.

Сілікер айының 31-чи күнінде, Ағбанның паза Хакас чирінің архиепискобы Ионафан, Градо-Абаканской Худай туразының абыстарынан хада, Ағбанда пүдірілчеткен Благовешенской Худай туразының пазында турғыс салчаң кірөстернің ап-арығлазын толдыр салған. Пу хайыныста Ағбан саарның пазы Н.Г.Булакин араласхан.

Хандых айының 2-чи күні, Ап-арығ илчлерге Ап-арығ Хуттың Түскені үлүкүнні үдесчен күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралығ соборында толдырған.

Хандых айының 2-чи күні, иирде, Прай ап-арығларны хумартхылачаң күннің паза Худай Ічезінің Влади-

мирской иконазын үлүкүннечен күннің таңдади, Ағбанның паза Хакас чирінің архиепискобы Ионафан, соборның абыстарынан хада, Хараағы Худайға тоғынысты Спасо-Преображенской кафедралығ соборында толдыр салған.

Елейнең сүрткіледерге 111 кізі чағын пастырған.

Хандых айының 3-чи күні, Прай ап-арығларны хумартхылачаң күнде, паза Худай Ічезінің Владимирской иконазын үлүкүннечен күнде, Константино-Еленинской Худай туразының пайзанстоллығ үлүкүннің, Ағбанның паза Хакас чирінің архиепискобы Ионафан пу Худай туразында үлүкүннің Худайға тоғынысты толдыр салған.

Хандых айының 5-чи күні, Петрның Оразының ікінчі күнінде, Устапчатхан аркалайның чахсы сөс пиргенінен, Худайғасын Иоакимнің паза Аннанын адынаң пүдірілчеткен Худай туразы-частомайның пазында кірөс турғызыл парған. Кірөсті ап-арығлачаң орынны Алтынзархы округтын игумені Лазарь Казанцев толдыр салған.

Хандых айының 5-чи күнінде, мотициклнен аңдарыл парып, улуғ абыс Виталий Филипчук, Ағбандағы

Ол 17 чыл изерістіре тигіриблерде Худайға тоғынған, иң не көп чылларын - Никольской соборда. 2015 чылда, Москваның паза Орыс чирінің Патриархы Кириллнің чахсы сөс пиргенінен, ол улуғ абыстың орынына турғызыл парған.

Хандых айының 6-чы күні, Хан Худайның Алнындапарчатхан Кірөс-тегчизи Иоанның пазы үзінчизін Таабылғанын сағысха кирчен күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралығ соборында толдырған.

Хандых айының 8-чи күні, Ап-арығ илчлерні Карпты паза Алфейні, Наа Георгий чобағчыны, Худайғасын Варлаам Хутынскийні хумартхылачаң күнде, паза поэның төреен күнінде, Ағбанның паза Хакас чирінің архиепискобы Ионафан Худайға тоғынысты паза тоозыл парған улуғ абыс Виталий Филипчукты чыгчаң орынны Спасо-Преображенской кафедралығ соборында толдыр салған.

Оөнхутхадарчызына көп саннығ хутхадарчылары паза киртиністіглер полысханнар.

Виталий аданы Никольской соборның хырында чыып салғаннар.

Хандых айының 9-чы күні, иирде, Орыс чирінде чараан прай ап-арығларны хумартхылачаң күннің таңдади, Ағбанның паза Хакас чирінің архиепискобы Ионафан, соборның абыстарынан хада, Хараағы тоғынысты Спасо-Преображенской кафедралығ соборында толдырған.

Елейнең сүрткіледерге 101 кізі чағын пастырған.

Хандых айының 10-чы күні, Орыс чирінде чараан прай ап-арығларны хумартхылачаң күнде, Ағбанның паза Хакас чирінің архиепискобы Ионафан, соборның абыстарынан хада, үлүкүннің Худайға тоғынысты Спасо-Преображенской кафедралығ соборында толдыр салған.

Хандых айының 11-чи күні, Ап-арығчы паза азыхискиргічи Луканы, Хызылчардағы архиепископты хумартхылачаң күнде, Ағбанның паза Хакас чирінің Пөзікинапарығ архиепискобы Ионафан, соборның хутхадарчыларынан хада, Худайға тоғынысты Спасо-Преображенской




Никольской соборның пастағчызы чирдегі чуртазын тоос салған.

Улуғ абыс Виталий Филипчук 1974 ч. орғах айының 2-чи күнінде төреен. Ол Томсктағы хуттығ семинарияны тоосхан. 2001 чылда диакон орынына хол салылған, 2002 чылда - абысха.

кафедралығ соборында толдырған.

Худайға тоғынар алнында, Оөнхутпастығы епархияның Худайзар хығырчаң 70 илчіні адынаң көс чөрчен Худай туразы-автобузының пайзанстолын ап-арығлачаң орынны толдыр салған.

ОТ АЙЫНЫҢ 7-чІ КҮНІНДЕ - ХАН ХУДАЙНЫҢ АЛНЫНДАПАРЧАТХАН КІРӨСТӨГҮЧІЗІ ИОАННЫҢ ТӨРЕЕНІ



Хан Худайның Алнындапарчатхан Кірөстөгүчизі Иоанның Төреені - христостың үлүкүннернің аразында иң не бөн орында полча.

Аймах-пасха хазналарның Худайға киртинчткен кизилеріне пу Ап-арыг Пичиктегі илбек киректер, хайзылары ап-арыг кизінең палгалыстыг полчалар, угаа көп таныглыглар. Тигириб агаа көп хумарт-хыластарны чарыт салган. Пу чалгыс ла ап-арыг кизи полча, кемнің төреен күні тигирибліг илбек үлүкүнге айлан парган.

Хан Худайның Кірөстөгүчизинің ап-арыг нимоолары католиктернің соборларында ла пар ниместер, че пістің дее сынсабланыстыг Худай тураларыбыста пар полчалар.

Иоанн Захария абыстың паза Елизаветаның оолгы полган, хайзыларын сынсабланыстыг Тигириб, улуглап, хумартхылапча. Захария абыс оолгы төриринеңер Худай туразында, Худайға тоғынчатхан туста піл салган. Ол көспекті көр салган, хайда Худайның ангелі агаа искирген, түрче полза, Хан Худайның Алнында парчаң илбек ухаанчы ах чарыхха аннаң төреп парар тип. Абыс киртинмин салып, агаа сизиндиргін көртис пирерге сурынган. Захария ангелге киртинмин салганы үчүн, Худайның хатыглазын поэна алынган, оолгы төреенче ол чоохтан полбас пол парган, аның тілі тарт парган. Хачан оолағас төреп парганда, аның адын чардычакта пас салган соонда ла ол хатабох чоохтанган.

Хан Худайның Кірөстөгүчизі паза Алнында парчан ухаанчы Иоанның ада-ичезі аны частары улғаат парган туста төрет салганнар. Олар Иоанн оолах кичиг частыг полганда ах чарыхтан парыбысханнар, аннаңар Иоаннга, Худай пөк салганынан, сөл чазыда чуртирға кирек полган. Анда ол мөбтнең паза сарысхаларнаң азыранчан...

Тузы читкенде, Иоанн сөл чазыдан Иордан сугның хазынзар килип, анда кизилерні кирөстөп, Арачылағчыны удурлирға оларны тимнеен. Иисус Христос Позы Иордан сугда ухаанчы Иоаннга кирөстөткен.

Амгы тустарда Иоанн Кірөстөгүчизинің төреенің тиксі христостыг хазналарда, үлүкүннеп, тынанчаң күнге айландыр салганнар. Аның Төреен күнін үзінчи чүс чыллардан сыгара христостыглар үлүкүннеп пастааннар. Төртінчи чүс чылдан сыгара Хан Худайның Кірөстөгүчизі Иоанның Төреен күні - бөн үлүкүнге айлан парган.

Пу илбек үлүкүн көпхудайлыгларның иргілен парган Иван Купалазынаң палгалыстыг пол парган. Иди пу күнде Орыс чирінде удур-төдир суғнаң чаба сазызып, көйчөткен отты азыра сегирченнер, паза им оттарны чыгачаннар. Пу күнде чыып алган оттар чурттарнаң чабал нимені сыгара сүрибисе тип саначаннар. Че пола-пола ол иргілен парган кибирлер христостыг кибирлерге айлан парганнар. Че амгы тустарда даа, ол иргі кибирлерні тудынып, төлкелепчелер. Киртинистиг дее кизилер Кірөстөгүчизинің Төреен күнін Иван Купаланың күнінең алыстыр полбин салып, ап-арыг кизинің хумартхылазын чабаллап, көп худайлыгларның иргілен парган кибирлеринзер нандыра түс парып, ызых тудып, хатабох көп худайларға пазырынып, күлееттеп, онар-тискер полгыбысчалар, анан аның соонда Худайның хатыглазын постарына алынчалар. Прай пу иргілен парган ай-пораан киректерні Тигириб үзүрче паза чаратпинча. Че хай-пирее хазналарда пу илбек үлүкүнде аттарны чарыстырчан чахсы кибир пар полча.

Сынсабланыстың кибирі хоостыра, Алнындапарчатхан Иоанның төреен күні Петрның чагбан тутчаң тузына килс парча, аннаңар сынсабланыстыг киртинистиглер, чагбан тударын чазытпин, аймах-пасха күлееттернең хыйа турарға күстенчелер.

Орыс чирінде көп саарларда Иоанн Кірөстөгүчее чарыдылып пүдиріл парган Худай туралары пар. Худайның илбек ап-арыг кизіне Худай туразында паза ибде дее алданарға чарир. Хан Худайның Кірөстөгүчизі Иоанн, пик киртиниснең сурынып, алданза, пас ағырыларынаң поэзып аларға полгыс пирер. Илбек ухаанчаа азых искиринер алнында,

Аның алнында алданып алчалар, ол кизинің сагызын чарыдып, сидик тустарны ас пирерге полгыс пирер.

Москвадағы Преснеде Иоанн Алнындапарчатханның тигирибін 1685 чылда пүдир салганнар. Пастап аны, ағаснаң салып, пүдир салганнар, че 18-чи чүс чыл пасталчатхан тустарда, аны таснаң салып, наачыли, пүдир салганнар. Ол тигириб киртинистиглерге сыбыра азылың полчан, аны совет үлгүзі турыбысхан тустарда даа инзер полбааннар, аннаңар анда иргі тустардағы иконалар амгы тустарға читіре хайраллал халганнар. Кірөстөгүчизі Иоанның «Ангел в пустыне» тип адалчатхан угаа арлыг паза хайхастыг образы пар, хайзын 17-чи чүс чылда пас салганнар. Иконада Худайның таллап алган ап-арыг кизинің учазында ангелнің ханаттары хоостал партырлар. Ол иконаны ол тигирибге, чарыдып, 1686 чылда пас салганнар, хайзын киртинистиглер улуглапчалар.

Полар туста Хан Худайның Кірөстөгүчизі пол парар Иоанны, Иродиаданың (Ирод ханның чазыт хынызы) паза аның хызы Саломияның көннинең, Ирод, пазын кизе саап, өдир саларға чахығны сыгарыбысхан...

Амгы туста ап-арыг Иоанның пазы Франциядағы Амьен саарның соборында хайраллалча. Аның пазына пазырынып аларға аймах-пасха хазналарның киртинистиг кизилері кил-парчалар. Ол пас күмүс чаймахта салыл парып, сүлейкенең хуйахтал партыр.

Илбек ухаанчы Хан Худайның Кірөстөгүчизі Иоанның сол көмискезінде тизик пар, хайзын Иродиада, чабалланып, кизил парган пасты читиг пычакханаң тизе сазыбысхан.

Францияда ухаанчының сырайы хайраллалча, пастың пасха чардыгы - Дамасктағы мечетьте. Иоанн Кірөстөгүчизинің оң холы - Черногориядағы монастырьда.

Чахсы Хабарның тархынынаң, ап-арыг Иоанн оң холын Иисус Христосты кирөстөпчөткенде, Аның пазына салган, аннаңар тиксі чир үстүндегі христостыг амырда Аның оң холын улуглапчалар.

«Сын Сабланыстыг киртиніс»
(Православная вера)

Обн редактор
Агбанның паза Хакас Чиринің
Пөзкинапарыг архиепискобы
ИОНАФАН (Цветков)

Төстөгүчизі:
Орыс Сынсабланыстыг Тигириб
Агбан епархиязы
(Москва Патриархады)

Издательнн адресі:
6550106 Агбан с., Соборнай пл., 2
тел. 24-29-47, ф. 24-29-15.
Редакциянын адресі:
665018, Агбан с, Мостовая о., 9

Хызылчар крайында тиксі коммуникацияны,
палгалысты паза пурунғы культураны хайраллап,
сыныхтагда тутчаң Федеральной службаның Устаа
20.02.2008 ч. пичикке кирген
Пичикке кирген № ПИ ФС24-510Р.

Орыс Сынсабланыстыг Тигириб Синодынын хабарлар таратчан пөлини 2011 ч. чарыс айының 18-чи күнде чаратхан. Свид. 174 №. 6 (146) №. Тикке таратылча.
«Хакасия» типография сыгарча, Агбан с., Щетинкин о, 32, тел.222-447. Чарыхха 20.06.2018 ч. сыхча. Агбан епархиязында тимнелген. Тираж 1200